

新鑄古今事物原始全書

新鑄古今事物原始全書卷之二十八

明臨安徐矩明夫著

仁和張橫仲明校

龍鵬

神龍失水而陸居螻蟻得以戲之及變化也騰雲路而躍天池彌六合而澤萬物焉義鵬附人而羈鞬燕雀得以嗤之及奮迅也展健翼而邇清風挾脩翎而凌灝氣焉

龍陽物也靈變莫測八十一鱗春分登天秋分入淵其聽也以角有鱗曰蛟龍有翼曰應龍有角曰虬龍

無角曰螭龍頭有一物如博山名曰尺木龍無尺木不能升天三秦記曰大鯉登龍門化為龍不登者點額李肇國史補曰魚登龍門蛻其骨今人所謂龍骨者疑即此也孫光憲北夢瑣言曰晉人曹寬見一龍鬪死取其雙角文如亂錦而藍色楚王對楚王曰神龍朝發崑崙之墟暮宿於孟諸超騰雲漢之表宛轉四瀆之裏夫尺澤之魚豈能料江海之深哉柳文云龍之騰於天淵也彌六合澤萬物而蝦與蛭不雜尺水義鵬詳見羽類夫士懷瑜抱瑾困處蓬衡寧竹月之蕭疎耳蕉窻之索寞若訥若愚也而薄夫有獻朝

騰笑者及其達也篇連月露咳唾琳琅為縉紳所知  
膺大君之錫命慰蒼生之素望其與沒世無聞人號  
酒囊飯袋者不可以同日語矣余以龍之況士何殊

鯢魚

北溟之鯢一身而橫千里武陽之魚千頭而重一斤  
莊子曰北溟有魚其名曰鯢其大不知幾千里也武  
陽之魚即歐公所言毛魚與鹿角一脩數千百是也

鰲 蜃 鰲本鰲 蜃

鰲舉首以戴五山蜃噓氣以成海市

許慎說文鰲海中大鰲也列子曰女媧氏斷鰲足以

立四極海東有岱輿員嶠方壺瀛洲蓬萊五山根無  
所連隨波上下帝命策彊使巨鰲十五舉首戴之而  
五山乃峙按蜃似蛇腰下鱗盡逆生雉與蛇交而生  
蜃食燕子一曰狀如螭龍有耳有角髯與背俱紅噓  
氣成樓臺將雨則見望之丹碧隱然如在煙霧中登  
州海中時常雲氣如宮室樓臺人物車馬冠蓋之狀  
謂之海市乃蛟蜃之氣所成瑣言云蜃大蛤也月令  
月雀入大水為蜃又云雀入水為蛤雉入水為蜃

鯉  
雉

唐時鯉號赤鯉同國姓也漢朝雉改山雞避后名子

鯉有黃白赤數種其類甚多大者為鯨鯢小者為鯢  
鯢鯢鯢魴鯢之類唐律取鯉則放之號曰赤鯢公以  
其與國姓同也鯉為魚之王鯉之脊鱗無大小皆三  
十六鱗按陰數也

蛟 鰲 鼉

蛟名河伯之健兒鰲稱跛足之從事

蛟龍屬狀似蛇而四足細頸頸上有白嬰大者數圍  
亦卵生虫經云蛟龍水居而卵剖于陵其老蛟名曰  
鰲能害人今蕪湖縣西南七里江中有鰲磯樓鰲一  
名甲魚隔津而望卵王十朋賦云鰲稱跛足從士

文鯨 玄駒

文鯨夜飛而觸網玄駒時躍而麗罾

文鯨魚生南海大者長尺許翅與尾齊一名飛魚若  
群飛水上海人候之當有大風吳都賦文鯨夜飛而  
觸網玄駒鯉也詩小雅云魚麗于罾鯨鯉

梅魚 鯢魚

三月來八月去梅魚也端陽出小暑歸鯢魚乎

梅魚色似金狀如石首頭大尾細俗呼梅大頭三月  
來八月隱于海鯢魚色白帶蒼狀如白扁魚味美大  
者十數斤常居涪州遂安端午出小暑復歸遂安

鱗魚 鮒魚

鱗魚懼網而不動護其鱗也鮒魚緣木而不墜賴其足乎

鱗魚出富春江中味美在鱗食莫去之若入網中則不動恐傷鱗也鮒魚出蜀中東齊記云蜀有鮒魚性善緣木聲如兒啼孟子曰緣木求魚不得未聞此也

望潮 紅棠

望潮跳於潮面紅棠陷於沙中

望潮色黑無鱗口闊長寸餘潮來則潮跳於潮面潮退穴居淤泥紅棠乃人魚也狙異記云查道奉使高



麗見沙中一婦人紅裳髻髮紛亂腋後微有紅髯查  
道識之命從者扶於水中拜手感戀而沒乃人魚也  
稽神錄謝仲玉見婦人出沒波中腰以下皆魚也

鮑魚、人膏

沙丘之臭載鮑魚以亂之驪山之塚置人膏以燃之  
鮑魚似鱗魚而小生海中氣最臭秦始皇崩於沙丘  
李斯秘不發喪車中載鮑魚以亂其臭按人膏即人  
魚似鯢而四足其聲如小兒其膏燃燈永不消耗始  
皇驪山塚中用之今荊州臨清有此魚

寧魚、鱖魚

寧魚清明而骨腐鮓魚八月而脂流

寧魚色黃頭大將寸者尾尖無鱗立冬方出至清明  
身骨俱腐俗呼爛草索鮓魚似鯖魚蛇首白目有胞  
而肥其脂在目至八月而流出即不見人同八月蘆  
花蒞水漲時歸海取之甚多

魮魚 鱣魚

三中魮魚之刺者死一遭鱣魚之擊者亡

魮魚其色赤其身扁闊而四方其口尖生於腹下大  
者尾長三尺尾稍有一骨長二三寸人若被其一刺  
者急煮魚鳧竹及海獺皮鮮之可救二刺者困甚中

三刺者死其脂熬油可燃燈其鰈魚鼠尾魚地青魚  
鮪魚邵陽魚並生南海有肉翅尾長二尺刺在尾  
中人中其毒與魮魚同異物志云潮州惡溪有鱣魚  
齒如刀鋸長二三丈四足如守宮能食人畜管子曰  
鱣以尾擊人畜而就取之一生百卵有為蛟為蛇龜  
鳥賊 蛤蜊 鳥又作鰓賊又作鰓賊  
鳥賊遇風波能以其鬚纏蛤蜊候風雨能以其壳飛  
鳥賊魚骨厚三四分似小舟輕虛而白有兩鬚如帶  
見風波急則以鬚粘石自縊其性嗜鳥伴浮水上鳥  
兄之謂其已死便啄其腹乃卷取而食之為鳥之害

故名烏賊一名烏魷此魚八足絕短白肉黑皮無鱗其鬚甚長集足在口縮足在腹形如革囊遇大魚則吐墨迴波以衛身遇小魚及蝦遇則吐墨涎煮之按蛤蜊一名文蛤會稽賦云合氏大者圓三寸小者圓五六分其魁蛤正圓而頸空表有文者是蝙蝠所化層書云雉入大水變為蜃乃大蛤也

蠟蜆 水母

蠟蜆腹蠟蠟不歸而蠟蜆敗水母目蝦蝦若驚而水母沉

蠟蜆形似蚌腹有小蠟出入其腹若出而不入則蠟

結死故一名鱗奴嶺表錄異紀云水母形大如覆帽有足無口無眼腹下有物如絮常有數十蝦食其腹下之涎人捕之即沉乃蝦有見耳

墨魚

彭越

彭越又作蜚蜚

始皇遺筆袋於海上化為墨魚黥布覆彭醢於江中化為彭越

墨魚即烏賊魚始皇遊海上遺筆袋于海中化為此魚一名河伯曰事小吏高帝誅彭越盛其醢徧賜諸候九江王英布覆醢於江化為此物故名彭越

鱸魚

鰕魚

鱖魚

鯢魚

鱸魚美而鰕魚肥鱮魚淡而鯢魚毒

松江四顧之鱸味珍隋煬帝謂之東南佳味巨口細  
鱗張翰詩云鱸魚正美不歸去鰕魚大口細鱗有斑  
彩張志和詩云桃花流水鰕魚肥鱮魚頭大尾小色  
黑骨健無鱗口下有白囊甚肥囊內能作蝦蟆聲俗  
名鱮大頭一名鱣諺曰買魚得鰕不如啖茹鯢魚一  
名鰕夷有物觸之即噴腹如氣毬白色背有赤道如  
印江海中俱有毒海中毒者大毒若食其肝及子入  
腹爛腸入口爛舌其肉小毒食之不妨

鱣魚

鰕魚

鯢魚

鱖魚無鹽制而肉則成水鰕魚用火焚而脂可燃燈  
鱖魚色白如銀鮓圓口潤味鮮長尺餘骨肉俱美若  
無鹽制之久則成水留骨而已鰕魚色赤頭尖口小  
口在腹下大者二三百斤其尾尖長不滿尺而圓其  
脂可熬油而燃燈力能敵潮故名鰕水端午水熱  
而寒立秋水冷藏於大海

鰕字典不載當從敵潮之義

### 鮠 魴

作敵

諸魚膽苦而鮠膽獨甘諸魚頸長而魴頸獨縮  
陸機云鮠即今之黑鯉也與蛇通氣頭戴星而夜北  
向京東呼為鍾魚爾雅謂之鯉鮠郭璞曰鯉鮠又名

蠡魚又名文魚已上五者皆黑鱧之別名也魴即魴魚也細鱗潤腹縮頸赤尾隋煬帝曰江南之縮頸魴魚長腰粳米乃金齏玉膾諺曰洛鯉伊魴貴於牛豢

梅魚鰲魚黃齋魚鱮魚鰻魚寧魚文鯢魚海鯢魚石首魚鱣魚鰻魚鰻魚摩竭魚

魚之無膽者曰梅魚鰲魚黃齋魚之無鱗者曰鱮魚鰻魚寧魚魚之有翅者曰文鯢海鯢魚之有聲者曰鱣魚石首魚之長大者曰鱣魚鰻魚鰻魚摩竭鰲魚魚之細小者曰吹沙望潮婢魚石魴白小

梅魚見前鰲魚色蒼而鱗細有膠無膽黃齋魚脊黃



而腹白骨細而多眩無膽而味美鱮魚見前鯪魚即  
鮎魚也江東呼鮎曰鯪若赤目赤髯者食之殺人鯪  
鯪二魚無膽者不可食其大首方口背青黑色無鱗  
多涎其類有三背黃腹白者鮪魚也背青口小者鮎  
魚也口腹俱大者鯪魚也形相似而大小不同寧魚  
文鯪俱見前其海鯪似鯪有肉翅能飛上石一名石  
鰻齒如石板其石首魚首中有石初出水時夜視有  
光腹中之膘可以作膠呂向曰魚當無聲言有聲者  
文之悞也正陸夫不解此義耳海中捕石首魚者以  
竹筒聽之其聲如雷魚來候也上林賦云魚鱉噉聲

可証鯉魚見前鱗鯉魚背如龍長一二丈鼻上之肉  
可以作脯及鮓今鎮江最多摩竭魚生海中其口可  
以容舟列子曰吞舟之魚其名摩竭其鱗魚大者亦  
重二三百斤其膠伺乾藏之如孕婦難產以燈火燃  
過研末酒吞即產男子咳嗽者服之即愈如神吹沙  
魚色淡黃長寸餘無腸胃頭大口濶尾尖望潮魚見  
前婢魚小魚也僞名飯糗魚一名妾魚其石魷魚生  
南海中長寸許背裏腹下俱赤南人取以為鮓白公  
俗呼為麵條魚杜詩云白小群分命天然二寸長

蠣房潮來則開虫入則合樗蒲人去則浮蝦驚則沉牡蠣生東海池澤附石而生硯礫相連如房故名蠣房潮來則諸房皆開小虫入則合之按樗蒲魚一名蜡蜡一名水母生東海大者如床小者如斗無腹胃眼目以蝦為目蝦見人而驚蜡則沉矣

鱣鰐魚 鹿角

鱣魚似龍而非鱗鹿角擬鹿而擬龍

顏氏家訓云鱣深灰色而無文諸書多有以鱣作鱣誤矣爾雅云鱣長二三丈似龍而口在頰下賈誼賦云橫江湖之鱣鯨東坡詩安得萬頃池養此橫海鱣

詩云鱣鮪發發註云鱣魚似龍黃色銳頭口在頰下背上腹下皆有甲大者千餘斤而後漢書云鸛雀啣三鱣若如此長大啣一不得況於三乎則鱣非鱣益明按南海有魚頭有二角如龍梅聖俞詩云海中魚角盡不擬龍乃擬鹿

意怠  
海鯨癖候

意怠進退適中可為奔競者戒海鯨壯牝相倚實為反目者羞

莊子曰東海有魚名曰意怠進不敢為前退不敢為後而人卒不得害之言惠大抵生於奔競也按鯨其

狀如車青黑色有二足長五六尺眼如鱗眼生于背  
上口在腹下雌常負雄而行因牝無目牝牝相隨牝  
去牝死雖風濤不解腹中有子如麻南人取以為醬  
在海群行相積於背高尺餘如帆乘風而遊藏伏於  
沙上不能飛躍其壳堅性畏蚊略犯即死日曝復活

海和尚 蚌將軍

海和尚或笑而或泣魚之多少見焉蚌將軍時開而  
時合鷸之生死由之

海和尚

海和尚蒼色狀如和尚之首有耳目口鼻耳旁有翅  
如人手潮來則浮於潮面以手拍頭或笑或泣其浮

海捕魚者見笑則魚多見泣則魚少而多泣鷸即望  
鳥也見蚌開則啄之蚌合而啄不得出鷸曰今日不  
放明日不放必為死蚌蚌曰你今日不出明日不出  
必為死鷸而鷸蚌相持漁人見而得之故曰鷸蚌相  
持漁翁得利

海鱗 江鯨

海鱗能溢海為潮若使之舉首戴山則不若巨鰲江  
鯨能吐沫成雨若使之用爪穿麓則不如鯪鯉  
海鱗大者數十里穴居海底入穴則海溢而為潮  
如閃電髯似朱旗日中忽雨此其噴氣也巨鰲釋前

鯨海中大魚也能吐沫成雨鼓浪成雷目如日月大者長數千里雄曰鯨雌曰鯢本作鯢今作鯨鯨鯢即穿山甲也詳見羽類

黃雉彈塗花浪馬鮫水蛭大貝瑇瑁珠母  
鈿螺魁陸

黃雉之困濠梁亦魚類也而彈塗花浪馬鮫水蛭皆得而群之及其乘桃浪過龍門諸魚方知其神焉大貝未離滄海亦蚌屬也而瑇瑁珠母鈿螺魁陸皆得而伍之及其賂獨大出姜里天下始知其奇焉  
崔豹古今注云兗州人呼黃鯢為黃雉其彈塗似望

潮而大其色黑間有蒼黃點子無鱗長三四寸口闊而味肥甜稻花開後內有脂膏一片其花浪魚背青而腹白骨健而性剛游則成群遇物則躍其味甚美其馬鮫色白如錫俗名擺錫鉸連頭尖骨爽味甜無鱗小滿至及夏至隱於海中其小者名曰青箭按水蛭有石草泥三種草蛭大者成尺名曰馬蛭一名馬蟥一名馬蝗並能嚙牛馬及人血若入肉中產育最為大害此物難制之死便加火炙如魚子又使煙薰之踰三年得水猶活有四翼者名曰悲蟾蛭按貝之大者如輪小者盈尺肉如科斗而有首尾以其背用



故名貝狀如赤電黑雲謂之紫貝能愈諸疾素質黃  
黑謂之珠貝能明人目青地黑文謂之綬貝能消氣  
瘴黑文黃畫謂之霞貝人服之雖不能長生亦可禦  
害黑白各半名曰浮貝無以近婦人能使人寡黃唇  
點齒煎有駁雜名曰濯貝能使人驚無以近童子黑  
鼻無皮名曰蚩貝能使人癰赤帶通脊名曰螭貝能  
消胎無以近孕婦其色赤熾壳內有赤絡者名曰惠  
貝能使人忘事青唇赤鼻名曰醬貝能使童子愚女  
子淫其白唇而脊上有綫名曰碧貝能使童子盜按  
獨夫紂也六韜曰散宜生以千金求天下之珍恠得

大貝百朋以進獨夫紂免文王美里之難詩云錫我百朋注云二貝為朋俗名貳亦名𧈧周用此貝又按書傳云大貝如車之渠今雲南用小貝以一為莊四莊為手四手為苗五苗為索交易租賦皆用之按瑋瑁乃龜類也身如龜首嘴如鸚鵡其甲有斑點斑紋大者如盤其甲有三片有一種名曰鼉鱗其形如笠四足綬胡無趾其甲有黑珠文彩但薄而色淡有一種螭龜甲有文彩亦似瑋瑁而薄皆瑋瑁之屬也按珠母即真珠牡生廉州海中乃蚌類也嶺表錄異云廉州海島上有大池每歲珠戶剖蚌取珠充貢其池

雖在海上人疑其底與海通然池水又淡不可測也  
按螺有湖海石蓼溪田數種其大者如斗出日南其  
蓼螺味辛如蓼紫色而斑文其鈿螺光彩可用飾鏡  
之背一種形如鳥嘴可以為杯名曰鸚鵡螺其僧家  
用海螺以供法器亦日南海中所產也按尉陸即蚌  
子也一名商鞅盧尚書云瓦隴子今人多用調羹

江豚 瓦雀 純 瓦 純本作豚

照博奕及紡績而昏明不同者江純之脂也陷入獄  
寵人祿而禍福不同者瓦雀之語也

江豚即江豚俗名江猪風潮至則出鼻中有声腦上

有孔噴水直上百數為群取其母着水中其子自來  
萬數為群隨母而行海徒亦然出沒水上舟人候之  
吹浪則當有風詩云石燕拂雲晴亦雨江豚吹浪夜  
還風其脂熬油照博奕嬉戲則明照讀書紡績則昏  
名曰懶婦油雜俎云一名奔鯨一名濁尾雀見羽類

射工 颶母

射工巧伺遊人曰颶母偏驚旅客船

博物志江南射工至長一二寸口有弩形以氣射人  
影能殺人一名蜮一名短狐左傳云蜮含沙以射人  
影魯莊公十八年有蜮柳文云射工沙蟲含怒竊發

中人形影動成瘡痂其居水中以氣射人者名射工  
居山林水旁之間含沙射人者名沙蟲按嶺表志南  
海秋風起雲物有暈如虹名颶母若見必有大風

海蝦

鹿角

鰕 鹿角

海蝦一隻約三丈而有餘鹿角千百計一禽而不足  
爾雅云海蝦長二三丈鬚長數尺閩中有五色蝦梅  
蝦蘆蝦之類鹿角小魚也歐詩云鹿角 禽數千百

河豚

紆魚

豚又作鮪

河豚乃吳儂所珍紆魚為閩人所寶

河豚多怒若觸之則怒翻浮水上其味雖珍治不如

法食之殺人惟橄欖根蘆根之汁可解其毒東坡云  
食之用葵蒿荻笋亦無害焉一名鮭其眼能閉無膽  
腮鱗其目味極美號西施乳按紆魚其子滿腹乃閩  
中之珍味莆田縣有通應祠倂誤呼為通印祠王荆  
公云通印紆魚猶帶骨豈有所稽耶

鰈魚

壳菜

鰈字字典不載

鰈魚多骨休成恨壳菜生毛未足慚

鰈魚骨細如芒長尺餘濶二三寸味清香而色白古  
云鰈魚多骨是也倂呼為尖鰈壳菜生海中內有毛  
形狀不與然大補入調羹味鮮美一名東海夫人

魚部  
鯽 龜

鯽又作鯽

六和金鯽今何在洛水神龜昔所傳

宋時錢塘江邊六和寺有二池金鯽杜詩庖霜膾鮮  
鯽浙玉炊香粳又云鮮鯽銀絲膾又云網聚粘圓鯽  
絲繁煮細蓴伏羲時神龜負書出於洛水

馬刀 黃蛤

馬刀不識休呼蚌黃蛤未知莫道蛭

馬刀一名馬蛤生江海中長六七寸肉似蚌今人多  
不識之似今之蜻蜓而蜻蜓亦謂之蚌京師謂之蚌  
岸河中呼為蚌蛭大抵蛤蜊蜆皆相類也又一種名

游波極類海蛤其黃蛤壳色俱黃細小而長狀如小蚌人欲覓之鋤于泥塗之中得之其味極美不能多得鄞慈二縣無此不款上賓

龜脂 鮫皮

龜脂可以燃鉄鮫皮堪以飾刀

龜似鱉而大濶一二丈者有之其肉貝十三生肖其脂得失可以燃鉄如鷄子一產三百鮫魚生南海無脚有尾其形似鱉一名沙魚山海經云沙魚之皮可以飾劍今人用此以裝刀鞘



事物原始卷二十八終

古今事物原始卷之二十八終

新鐫古今事物原始全書卷之二十八終

新鐫古今事物原始全書卷之二十九

臨安徐炬明夫著  
仁和張橫仲明校

靈蚕 蜘蛛 蠶

靈蚕之蠶可縑碧金之絲織神機之錦蜘蛛之智能  
靡垂天之網佈絡地之絲

黃帝之元妃西陵氏養蚕之始蚕乃龍精而馬迹蚕  
自成曰獨蠶二三以上曰同功其種有八曰蛭珍曰  
愛珍曰寒珍曰柘曰愛曰出曰蠹即今之俗呼曰二  
蚕周禮禁蠹蚕惡其殘桑也淮南子曰蠹蚕一歲再

登非不利也然王法禁之謂其殘桑也杜陽編云永  
泰中彌羅國貢金碧之絲其國有桑枝幹盤屈連延  
十數頃小者蔭百畝其上有蚕可長四寸其色金其  
絲碧名曰金蚕絲縱之一尺引之一丈表裏通瑩王  
嘉拾遺記曰東海員嶠山有冰蚕長七寸有角如麟  
角而黑色以霜雪覆之作蠶長一尺織為文錦入水  
不濕入火不焚格物論蜘蛛大腹八足而深灰色多  
於空中作員網莊子曰蜘蛛能廓垂天之網佈絡地  
之絲長踦者名蠨蛸詩云蠨蛸在戶其小而長脚名  
曰蟪子有赤斑者名曰絡新婦一名曰蠖又一種名

蜘蛛在孔穴中及草木稠處作網如蚕絲為鼻就中間一門出入形段小於蜘蛛而斑

涉雞 促織

涉雞一名絡緯其声如紡績也促織一名投機其声如急織焉

崔豹古今注涉雞促織絡緯蟋蟀異名而一種也涉雞似蝗色斑而翅赤一云涉雞形似蚕蛾頭足俱黑其翅兩重外灰色而内紅六月振羽索索作声詩云六月涉雞振羽五月斯螽動股十月蟋蟀入我牀下注云涉雞斯螽蟋蟀一物隨時變化而異其名動股

者始躍而以股鳴也振羽能飛而以翅鳴也其樗雞  
促織酸雞絡緯紡緯投機蜻蛚虹絲幽州人謂之蒲  
錯天雞皆蟋蟀之別名也一名蜚莎雞

醯雞 井蛙

醯

醯雞發覆方知天之大小也埴蛙坐井豈識天之大小  
醯雞一名蚋如蚊而小亂飛性嗜酸聚於醋甕一名  
瞿蚋荀子曰醯酸而蚋聚莊子曰瞿蚋生乎腐罐夫  
醯雞之在甕覆之未發則以甕裏為天及乎覆之已  
發方知天之大小按蛙之坐井而覩天則曰天小之  
也莊子曰井蛙不可以語大拘於隘也今之學者不

思天下之道無終窮聖人之學無止法則曰我多聞  
矣多見矣自足自畫者又何異於醢鷄井蛙乎

霄燭 蜣螂蜋

霄燭冷燄微光聚囊可以照書蜣螂光身黑腹研末  
善能出鏤

霄燭螢也季夏之月腐草化為螢格物論螢是腐草  
及爛竹根所化初時形未如虫而腹下已有光越數  
日變而能飛然生於陰濕地在大暑前後得大火之  
氣而化此明照也曰磷曰夜光曰熠燿曰輝夜曰丹  
鳥曰丹良曰放光曰挾火曰即照皆螢之別名也車

亂家貧無油以綃囊盛螢火以照書杜詩云幸因腐  
草出敢近太陽飛未足臨書卷時能點客衣隨風隔  
幔小帶雨傍林微十月清霜重飄零何處歸賸賓王  
螢火賦畧云既發輝以外融亦含光而自朗均火齊  
之霄映如夜光之暗投逝將歸而未返忽欲去而中  
留入槐榆而燄發若改燧而環周繞堂皇而影泛疑  
秉燭以嬉遊點綴懸星之網隱映落星之樓賓王此  
賦曲盡螢火之幽微詞婉而意暢其自寓之意深矣  
蠅娘即蛭蠅也蠅娘與巴豆同研塗傷處可出箭鏃

蛭  
蛭  
蛭

鼠前而兔後趨則頓走則顛者蟹也蝸首而螺壳驚則縮行則出者蛞蝓也

孔子曰北方有獸其名曰蟹前足鼠後足兔是獸也甚矣其愛鼠與兔也食得其草必嚙以遺二獸蟹非性之愛二獸也為其假足之故也二獸亦非性之愛蟹也為其得其草而遺之故也北方比肩獸曰蟹前足寸餘後足尺許按蛞蝓爾謂之蚘蟻即蝸牛也然蛞蝓二角蝸牛四角兼背有負壳肉而行則蛞蝓蝸牛是二物矣又按韻府云蝸牛小螺也一名蚘蟻則蚘蟻即蝸牛而蛞蝓非矣郭璞以為一物誤也



赤頭

飛蛾

飛蠶

赤頭投爇而喪魄為多貪得之心飛蛾赴燄以焚身  
似有趨炎之態

赤頭乃赤頭大蠅也一名景迹歐陽脩蒼蠅賦云猶  
忌赤頭号为景迹一有沾汗人皆不食或投熱爇遂  
喪其魄諒雖死而不悔亦可戒乎貪得飛蛾撲燈蛾  
也形如蜂而大其色黑赤至夜非鳴溺油而死即蠅  
蛾所化孟郊詩燈前一炷蛾厭生何太切想爾飛來  
心飛明不非滅天若百尺高飛去掩明月陳去非詩  
陽光不照熉積陰生此類非無惜死心素有賊明意

粉穿紅燄焦翅撲蘭湯沸為兩一傷嗟自乘非天棄

蝨 雀

蝨

夫蝨屢遊相鬢曾經御覽自謂榮矣反逃乎深縫匿  
乎敗絮一旦沸湯流注無所逃而待烹焉夫雀棲身  
土穴長子草門自謂樂矣其處乎華堂棲乎畫棟一  
夕烟煤飛炎無所避而遭焚焉

蝨氣化而外生性畏水銀墨客揮犀云王荊公入朝  
蝨緣鬢上帝顧而笑朝退王禹戲曰此蝨屢遊相鬢  
曾經御覽淮南子曰湯沐具而蝨蝨相吊豕蝨擇䟽  
鬣自以為廣宮太園不知屠者至與豕俱焦也阮籍

云蝨之處禪逃乎深縫匿於敗絮自以為吉宅也然  
炎光水流焦城熾都群蝨動手禪中不能出也王建  
云空城雀何不飛入人家住空城無人插禾黍土門  
生子草門長滿地蓬蒿幸無主近村雖有高樹枝兩  
中無食常言饑八月小兒挾弓箭家家畏我田頭飛  
但能不出空城裏秋時百草皆有子黃口莫啾々長  
爾得成無橫死呂氏春秋曰突決棟焚燕雀不知

歌女 蛭蟻 羌 蛭蟻 歌女

歌女行吟於土窟蛭蟻轉丸於泥窩

歌女蛭蟻也一本作蟻方家謂之地龍其白頸者老

蛭蚓耳其曰土龍蛭蚓蚰蟥蝻蟪寒蟪鳴砌俱蛭  
之別名黃帝時有蚓大如虹蓋土氣勝也按蛭蟻即  
蟻娘有大小二種大者名胡蟻娘其身光黑而腹翼  
小黃其子附母晝隱而夜飛見燈光即來俗呼撲火  
蛭小者身黑暗晝飛出而夜不飛莊子曰蛭蟻之智  
在於轉丸其性喜入糞土中取屎為丸而却推之信  
名又屎虫無鼻蛭蟻變撲火蛭蚓變金燈花

蚰蛇自見金瘡明無膽也蛤蚧自嚙其尾惜其美乎  
許慎說文土人捕蚰蛇剖腹取膽以藥線縫蛇腹而  
放之明年或又捕得此蛇其蛇即仰腹而見金瘡歎

人知其取膽過也此蛇能吞鹿上肉消盡則繞樹而出骨按蛤蚧異物志云首如蝦蟆細鱗如蚕子生嶺南山谷及城牆大樹長四五寸尾与身等即守宮蜥蜴之屬也楊雄云桂林之中守宮能鳴一雌一雄常自呼曰蛤蚧最惜其尾人欲取之多自嚙斷其尾

唧蛆 蝦蟇 螭蛇 螳螂 蛎螻 雀

三物相遇而不敢先動者螂蛆蝦蟇螭蛇也三物相  
值而不知相害者螳螂蝼蛄黃雀也

螂蛆蜈蚣也身黑而頭足俱赤一名蜥蠃吳人謂之百脚見大蛇便緣而噉其腦蝦蟇蛙也性畏騰蛇廣

雅云螳螂一名螳螂一名天馬一名莫貊其子名曰  
蜉蝣一名蜉蝣螳螂逢木便產一枚一壳百子至五  
月則破壳而出月令云五月螳螂生陰氣始起殺氣  
應時而生故能捕蟬深秋生子多在小木荆棘間在  
桑者名桑螵蛸按蛸螳總名曰蟬月令云仲夏之月  
蟬始鳴一名齊女或問蟬名齊女何也曰齊王之后  
怨王而死尸化為蟬登庭樹嚙啖而鳴王甚悔之後  
世因名曰齊女夫蟬類最多爾雅云蜩馬蜩郭璞云  
蟬之最大者曰馬蜩今夏中所鳴者詩云鳴蜩嘒嘒  
是也詩人謂之鳴蜩月令謂之蟬本漢謂之蜉蝣蟬

曰螻蛄曰寒蜚蛸螻寧母蜩范皆蟬屬然螻蛄小小而紫色四五月鳴生於春後死於秋前故曰螻蛄不知春秋其二月鳴者名寧母似寒蜚而小感陽氣而先鳴其七月鳴者名曰蛸螻其色青青瘳之間謂之螻蛄楚人謂之螻蛄秦燕謂之蛸螻宋衛謂之蜩蟬關中謂之蛸螻離騷云螻蛄鳴兮秋其秋鳴者寒蜚耳郭璞云通呼謂之蟬諸蟬無口此蟬不咽皆以脇鳴戰國策云莊辛謂楚王曰夫雀俯啄白粒仰棲茂木鼓翅奮翼而不知王孫左挾彈右攝丸以加其頸

蛸螻 壁蜚

蛛蟬穴居布網而有蓋壁璽壁居結幕而如錢  
蛛蟬形如蜘蛛穴土為窠有蓋覆於穴口郭璞謂之  
蛭蟬倍呼顛當虫見處有之壁璽蟬子也一名壁蟬  
能捕蠅作窠于門壁之上其結窠似幕圓大如錢

蜉蝣 伏翼

蜉蝣朝生而暮死伏翼晝伏而夜飛

蜉蝣一名渠畧似天牛而小有甲角長三四寸甲下  
有翅能飛又有文彩夏月陰雨出地中形如蛙蟬身  
狹而長其色黃黑朝生暮死赤壁賦云寄蜉蝣於天  
地伏翼蝙蝠也一名仙鼠一名服翼晝伏夜出飛走



掠食其棲也以足居上而首向下屎曰夜明砂

謝豹

蠅 蠅本作蛟

謝豹見人羞舉足以覆首蠅蠅溺人影祭熱以成瘡  
酉陽雜俎云有虫名謝豹常在深土裴沈子掘坑得  
之其形畧似蝦蟇圓如毬見人以前脚交覆其首如  
羞狀能穴如鼯鼠頃刻深入數出時或出地聽聞謝  
豹之聲則腦裂而死故名謝豹或曰謝豹人也抱恥  
而死其魄為虫潛行地中羞見人之故也或掘出見  
之猶以足覆面如忍耻之狀注云見人羞之謝豹乃  
虫也聞謝豹之聲此謝豹乃杜鵑蠅蠅一名蛭蠅能

溺人影即便發瘡猶如沸熱瘡若繞腰匝不可療

螻蟻

鵲鵲

螻

駢駢

螻蟻繫之以絲可以穿九曲之珠鵲鵲熬之以膏可以塗銀鏤之劍

按小說據遺云孔子適陳子貢子路從路逢採桑婦孔子曰南枝窈窕北枝長婦曰夫子行陳必絕糧孔子不答而徐行婦復曰九曲明珠穿不過回來問我採桑娘及至陳陳王以九曲珠求夫子穿之未能也思悟婦言使子貢子路反而詢之至採桑所婦無覓矣但見桑間聚泥一踰尺許又聚泥三子貢曰桑者

木也泥者土也木旁有土其杜姓乎旁復有三意者  
前村有杜三娘乎適樵者過子貢曰前村可有杜三  
娘乎樵者曰蘆塘荻渚遶華屋瑤草疎花傍粉牆行  
過小橋流水北其問即是杜家庄二子如其言獲見  
三娘焉二子述前事三娘莞爾而笑曰此無難塗絲  
以脂繫蟻以腰使徐徐度之如不肯過以煙薰之二  
子得其術以告夫子如所言以穿九曲之珠焉孔子  
絕糧處按大明一統志在今河南陳州界地名桑葉  
宋劉敞詩云四海栖栖一旅人絕糧桑落死生隣自  
是天心勞木鐸不妨陳國有愚臣鷗鷺詳羽類

景迹

金齏王膾景迹汙則不食也桃花琥珀醯雞聚亦何害焉

隸古

隋煬帝云江南之長腰粳米縮頸鮪魚乃金齏王膾景迹即屎蒼蠅桃花琥珀醯名醯雞醋中虫也釋前

守官 蠨蛸

守官之血塗臂偶則落蠨蛸之絲繫疣久則遺按守官其類有四一種形大而黃者謂之蛇醫一種似蛇醫而小見人不動醫家謂之石龍子一種小形而五色其尾青碧名曰蜥蜴並不噬人一種喜緣籬

壁名曰蝮蜴形小而黑吳人呼為壁虎爾雅云蝮蜴  
蜥蜴蝮蜴守宮四者形狀相似一物而四名字林云  
蝮蜴蛇醫也能啣草而傳蛇傷說文云在草曰蜥蜴  
在壁曰蝮蜴在澤曰蝮蜴方言云秦晉西夏謂之守  
宮南陽呼為蝮蜴楚人謂之蛇醫今但為蜥蜴其色  
五色十二時每時一變蜥蜴長而細蝮蜴短而大置  
守宮於甕中餌以硃砂殺其血以點臂男女偶則一  
夕落矣不偶則沒世存焉故名守宮蝮蜴乃蝮蜴之  
屬但大而長脚用其絲以繫疣久則其疣自落

蝮蜴  
逢  
蠶

蚕吐絲以作蠶蜂釀蜜以成房

蜂有數種一種長腳一種細腰一種獨腳一種土蜂  
赤翅黑頭穿土為窠大於螳螂而食蜘蛛蛛若遙知  
蜂來皆狼狽藏隱而蜂已預知其處相食無遺一種  
色黃而小名曰密蜂春時採花作密內有蜂王王居  
一臺大如栗生子其中或二或三分其族衆蜂旋繞  
早晚兩朝杜陽編云唐德宗時吳明國進鸞蜂其聲  
如鸞重觴餘蜜色碧食之壽尅離國貢紅蜜宣州有  
黃連蜜東坡詩云蜂鬧黃連採蜜花籬落間有梨花  
蜜亳州太清宮有檜花蜜其色小赤南京旱城縣有

何首烏寒其色更赤一種竹蜂名曰留師如小指大  
而黑色嗜竹為窠蜜如稠糖

蟻蠨 鬼螺

蟻蠨生於雨朝布陽則死鬼螺產於濕地升高即枯  
蟻蠨至微者似蚊而小亦能噬人一名焦螟一  
名蜚鴻俗名烏蚊虫莊子曰焦螟集於蚊睫棲宿去  
來而弗奄列子曰海上有虫巢於蚊睫名曰焦螟周  
紀云蜚鴻滿野注云蟻蠨也鬼螺全似蝸牛而黃小  
雨後好緣桑上東坡云升高不知回竟作粘壁枯

火鼠

冰蚕

火鼠  
冰蚕

火鼠之毛三寸為布而火浣不焚冰蚕之絲五彩為衣而水濡不濕

格物論有火鼠入火不焚其毛三寸為布名曰火浣布用火浣之去垢而已冰蚕釋前

### 蛇魚

蛇見雄黃而避魚貪香餌而亡

抱朴子曰昔負山多蛇又生好藥黃帝將登焉廣成子教帝佩雄黃而蛇皆避去

### 螺螄 寄居

螺螄持螄鈴而祝寄居負螺壳而行



按爾雅云螺螄一名蒲盧一名蟪蛄即細腰蜂也小雅云螟蛉有子螺螄負之注云螟蛉桑虫也螺螄即蒲盧也言蒲盧負桑虫而祝曰類我類我祝三日而成其子今人稱假子曰螟蛉之子即此義也異物志云寄居虫形如蝸牛而大用火炙其壳頭便出此虫常寄居螺壳之中實非螺也候螺蚌開彼自出入螺蚌已合彼已還壳中海族多被其寄又南海一種似蜘蛛入螺壳中負壳而走

芫蜻 斑毛 亭長 赤頭

芫蜻斑毛亭長赤頭形相似而所食不同蝾螈蜥蜴

蜾蠃守宮狀相類而所居亦異

按雷公泡製云芫蜻形類斑毛但芫蜻嘴尖而背上有黃痕一畫而斑毛背上黃黑各一嘴尖之上一點小赤好食豆葉而亭長其色黃黑食蔓汁而赤頭額上有大紅一點其身亦黑爾雅云斑毛一名蟹螯有大毒蝶螈四物釋前

蜻蛉 蝴蝶本作蜚

蜻蛉垂尾而點水蝴蝶鼓翅以穿花

埤雅云蜻蛉頭如琉璃六足四翼身尾俱青一名蜻蛉淮南子曰蝶螈其赤者名曰赤卒又名絳騶又名

赤弁丈人其小而黃者名曰胡黎一種形大而尾末  
有結塊者京師人呼為大馬頭格物論云蝴蝶乃江  
南橘虫所化一名蝶又名野娥有花有白有綠有黃  
有黃黑相間有大如蝙蝠或黑或赤及青斑者名曰  
鳳車雜俎云衛公在峽中得一蝴蝶翅闊四寸有餘  
其色褐翅上有二金眼江東人呼為撻末唐穆宗禁  
中千葉牡丹開時有黃白蛺蝶萬數飛集花間張網  
得百數乃金玉蝶也

蜈蚣

蝸牛

蜈蚣一名盧公

蜘蛛以氣禁蛇蝸牛以涎規蠟

螂蛆即蜈蚣也南人上山皆以竹筒盛活吳公知有蛇吳公便動管中見蛇能以氣禁蛇按蜈之小者名曰蚺螂雜蛆謂之鼠負虫常為蝸牛所食先以涎規之則蜈不復去夫蜈毒虫也其尾七節江南舊無此物開元初一主簿以竹筒盛之過江始有之故又名主簿虫谷象求影響錄云黃靖國死見冥中治武后獄以大甕置萬蜈蝥之

蟻蟮 馬蟮

蟻蟮皆行便於足馬蟮脇鳴響於口爾雅云蟻蟮生于諸朽木之根下反積糞腐草之中

大者如足之大指以背反馱於脚身短足長背有毛筋若一入水秋蛻為蟬按馬蜩乃諸蟬之大者

馬蜩 鼯鼠

百足馬蜩憐螫跛五技鼯鼠笑鳩拙

按馬蜩百節虫也乃蜈蚣之類一名馬陸其身如槎節節有細蹙文起其色紫黑而先潤可有百足死則側卧長二三寸夏則登樹而鳴冬則蟄莊子曰百足之虫至死不僵按鼯鼠五技能飛不能上屋能走不能先人能緣不能窮木能遊不能渡谷能穴不能掩身投筆記鼯鼠黔駒技未精即此義也詩小正篇云

三月穀則鳴月令云四月蝼蝈鳴廣雅謂之碩鼠碩  
雅謂之穀天蝼一名夷由孔穎達正義云有五能不  
成一技之虫也蔡邕勸學云碩鼠五能不成一技荀  
子云梧鼠五技而窮關東謂之蝼蛄鳩性拙不能為  
巢常居鵲巢詩云維鵲有巢維鳩居之是也

鼯鼠 江純

千鈞之弩不為鼯鼠發機萬斛之舟豈畏江豚吹浪  
左傳云鼯鼠食郊牛之角食人及牛馬之皮膚成瘡  
至死不覓此虫極細不可卒見爾雅云有虫至毒食  
人至盡而不知及考群玉云鼯鼠狀如短狐而短狐

又謂之射工二說大相矛盾侯博雅正之江狔即江豚又名江猪居江海中形似猪鼻孔向上若吹浪則風作唐詩石燕拂雲晴亦雨江狔吹浪夜還風

### 豹脚

風定軒窓飛豹脚雨餘欄檻上蝸牛

按豹脚乃花蚊也塞北有蚊母名曰蠭草茂時而蚊變宿南廬橘五月熟而蚊出此草木所化也江浙清渠之中濁水內所生小虫形如蘿菔之子李夏漸生翼脚變蚊而飛蝸牛釋前

### 蝮蛇

蝮蛇入鵲口而肉爛驚鳥中鵲糞而毛脫

按蝮蛇黃黑色其毒最烈虺蛇形短而扁其毒亦甚  
最大者曰蟒其蚺蛇能吞鹿繞樹而出骨巴蛇吞象  
三年而出其骨白花蛇出蜀中蘄鄧二州其文作白  
花方勝善噬人足土人被螫立斷之補養既愈作木  
脚續之亦不妨行乾寧記云此蛇不食生命亦不殺  
人只吸蘆花之氣并南風其身烏光頸圓而尾尖眼  
目赤光如電諸蛇之鼻向下惟此蛇之鼻獨向上焉  
有一種名烏燒背有三稜其性善不噬物尾細長有  
穿錢至百者善治瘋澄州有金蛇大如中指長尺許



常登木飲露金色照日有光有一種兩頭蛇一頭無  
目無口俱能行以桑薪燒之則足出有一種菜花綠  
色江西人捕之以作蛇卦隨所蟠之形則曰某卦以  
斷禍福俚俗信之按鷲鳥即鷹鸇鶻鷂之類易林云  
鵠一名鴻鵠謂鵠能食鵠也詩云肅肅鵠羽注云鵠  
似鴈而大無後趾風月機關集注云江南深山水中  
有鳥名曰鵠形類雞而足稍長其最淫諸鳥皆與之  
交合字畫七十鳥故時人取為妓者之母

蜥蜴 蜘蛛

坐看月窻盤蜥蜴靜聞風幔落蜘蛛

蚺蟻蝓鼠負也此虫多生下濕處及甕罍之底土坎之中常煮着鼠背而行故名鼠負又名鼠婦倍呼濕生虫詩云蚺蟻在室鄭箋云此虫家無人則生

蝓斯 斯蝓

蝓斯斯蝓不同蝓蝓蝓亦異

爾雅云蝓斯羽虫也角股長以股鳴詩云蝓斯羽詵詵兮宜爾子孫振振兮注云蝓斯蝗屬身長而青長角長股能以股相切作聲一生九十九子一名阜蝓一名春忝格物論云斯蝓即今之蚺蟻幽州人呼為春箕其身青色而細長股如玳瑁並月間兩股相切

作聲蟻蟪釋前按蛎蟻亦木虫也色白而長一名蛭  
蟪詩云領如蛎蟻

馬頭娘 劉寄奴

化蚕遺馬頭娘之事傷蛇傳劉寄奴之名

按蜀圖經云馬頭娘蚕神也高辛氏時蜀女之父被  
掠惟所乘馬在母誓曰得父還者以女嫁之馬驚躍  
而去數日父乘馬而歸馬嘶鳴不已母訴其故父曰  
人豈可偶畜類乎怒殺馬曝其皮於庭忽烈風起馬  
皮卷女飛去旬日皮覆桑上女化為蚕食葉吐繭成  
絲蜀人因塑女像披馬皮謂之馬頭娘今時畫馬鳴

菩薩以祈禱即此故事宋武帝姓劉名裕微時伐狄  
新州射傷大蛇明日復往聞杵臼聲見數青衣童子  
搗藥武帝問曰搗藥何為荅曰我主為劉寄奴射傷  
今合藥傳之帝曰主何神不殺之叱之皆散遂收此

蜂蠆 蚊蚋

蜂蠆之毒尾不惟螫人之肌膚嗟乎獨夫忍心而置  
獄蚊蚋之利嘴不獨嚙人之膏血傷哉娘子重節而  
露筋

按蠆飛鳴作聲之大蜂也若被其螫痛甚歐陽脩蒼  
蠅賦云蜂蠆之毒尾紂王寵妖姬妲已歆其笑既置

炮烙之刑又置蠶盆之獄螫罪人而號呼紂與妲已  
以為樂露筋娘子廟按一統志在今高郵州南三十  
里舊傳有女子夜過此天陰蚊盛有耕夫曰舍在焉  
其嫂止宿女曰吾寧處此死不可失節遂以蚊死其  
筋露焉宋朱希碑記云澤國之女嗜夫露筋不就有  
幃之子氏不顯於一時名可揭於萬世歐陽脩詩云  
近聞高郵間有蚊夜凌辱袁氏露筋女萬劫讐不復

事物原始卷之二十九終

二十九卷終

事物原始卷之二十九終

新鐫古今事物原始全書卷之三十

明臨安徐炬明夫采輯

仁和張煥仲明校正

外夷

周禮職方氏掌天下之圖以掌天下之地辨其邦國都鄙四夷八蠻九貉五戎六狄之人民與其財用九穀六畜之數要周知其利害王制曰中國戎狄五方之民皆有性也不可推移東方曰夷被髮文身有不火食者南方曰蠻雕題交趾有不火食者西方曰戎被髮衣皮有不粒食者北方曰狄衣羽毛而穴居有

不粒食者通典曰緬惟古之中華多類今之夷狄有  
居處巢穴焉有葬無封樹焉有手團食焉有祭立尸  
焉不生聖哲莫肇舊風訓誥之所加禮義之所不及  
外而不內疎而不戚來則禦之去則備之夷狄之見  
于經者始于三苗今自巴蜀以東歷湖南北桂嶺雲  
貴數千里溪洞山菁之中曰仡曰伶曰獠曰猺曰僮  
之類凡十數種皆蠻也其間最輕捷者曰獠即三苗  
之後依山以居其性習雖偏頗知禮義 國初于湖  
北川東立宣慰司者五曰永順曰保靖曰貴州曰思  
州曰播州又有宣撫司安撫司及招討司長官司之

設外此所謂軍民府及軍民指揮使司者又兼設土官以轄其夷人隨地而設官因地而治善者授其職惡者分其勢蓋得有虞氏分北之義禹貢丕叙之意也

### 交趾

按交趾本秦漢以來中國郡縣之地五代時為劉隱所併至宋初始封為郡王然猶授中國之官爵勲階未常稱國也其後封南平王秦章文移猶稱安南道孝宗時始封以王稱國而天下因以高麗真臘視之不復知其為中國之郡縣矣李氏傳八世陳氏傳十



二世至日焜為黎季犛所篡季犛上表竄姓名為胡一元子蒼易名奩詐稱陳氏絕嗣奩為甥求權署國事我

太宗從其請逾年陳氏孫名添平者始遁至京愬其實季犛乃表請添平以還國朝廷不逆遣使送添平歸抵其境季犛伏兵殺之并及使者事聞

太宗命張輔總兵討之生擒季犛詔求陳氏遺裔立之國人咸稱被釐殺盡無可繼承者僉請復古郡遂立交趾都布按三司及各府州縣衛所諸司一如內地其後有犛利者乃夷中夷也中官庇之遂至猖肆

上表請立陳氏後

宣宗皇帝謂此

皇祖意也

祖訓不許後代其國

遂听之即

棄其地俾復其國昔秦并百郡交趾之地秦時為象  
郡已與南海贛桂林礦同入中國漢武立嶺南九郡  
而九真日南交趾與焉在唐中葉仕中國顯者猶少  
而愛州人姜公輔已仕中朝為李士宰相與中州之  
士相頡頏矣

北狄

大明一統志曰北胡種落不一歷代名稱各異夏曰  
獯鬻周曰獫狁秦漢皆曰匈奴自漢以來匈奴頗盛

後稍弱而烏桓與漢末鮮卑滅烏桓尽有地後魏時蠕蠕獨強與魏為敵蠕蠕滅而突厥起尽有西北之地唐滅之五代及宋契丹復盛別部小種曰蒙右曰泰赤烏曰塔塔兒各據分地既而蒙古兼併有之遂入中國傳十四世遁于沙漠傳脫古思帖木兒為也速迭兒所殺洪武二十五年遣將周興往討其罪至撒撒兒山大敗之未樂間奉貢惟謹因封馬哈木為順寧王阿魯台為和寧王已而叛服不常遣使諭之不悛車駕屢親征之諸胡始平宣德中馬哈木攻殺阿魯台欲領部落人心不服乃求脫脫不花立為

王居沙漠之北馬哈木子脫懽脫懽子也先居沙漠之西北羗刺地

大明一統志曰兀良哈本春秋時山戎地秦為遼西郡北境漢為奚酋所據東漢征敗之走匿松漠間後魏之先復居于此號庫莫奚後復屬契丹元為太平路北境

本朝洪武二十二年征敗北胡來降者衆詔以兀良哈之地置泰寧朵顏福餘三衛以處之為東北外藩命其長為指揮使指揮同知各領其部按自周以來北狄之患止及邊境至五代石敬瑭以山前後計六

州賂契丹始據中國之地立以城郭大為中國害前  
此為春秋之具楚是中國之人居邊夷之地若晉之  
五胡劉淵匈奴也而居晉陽石勒羯也而居上黨姚  
氏羗也而居扶風符氏氏也而居臨渭慕容鮮卑也  
而居昌黎種類日繁其居處飲食皆日趨于華惟其  
桀暴貪悍樂聞喜亂之志則無時而可變也如晉時  
五胡乃夷狄之種居中國之地他如匈奴烏桓鮮卑  
蠕蠕突厥回紇吐蕃皆是夷狄居夷狄之地時或為  
邊患耳至契丹始效中國稱大號與宋為敵國女直  
又奄中州而有之蒙古遂混一南北嗚呼作俑者乃

契丹之阿保機也所以肇其端者則石敬瑭也

### 西域

漢武帝遣張騫因蜀犍為發間使自是西域始通于漢凡三十六國光武時西域十八國俱遣子入侍請都護帝不許諸國侍子皆愁思亡帛按漢張騫通西域在漢則為大宛烏孫于闐龜茲月氏諸國在唐則為高昌焉耆龜茲于闐天竺諸國在宋則為天竺高昌大食于闐龜茲諸國

本朝則為哈密火州亦力把力撒馬兒罕哈烈于闐諸處所謂于闐者自漢以來至于今日恒不改其舊

稱焉今所謂哈密赤斤蒙古罕安定阿端曲先皆前  
代中國之邊境即燉煌酒泉伊吾之故地也洪武永  
樂中因其土酋內附立以為衛其地處吾近邊薄于  
北虜不可槩以外虜視之又按一統志云西蕃即吐  
蕃其先本羗屬散處河湟江岷間唐貞觀中始通中  
國既而滅吐谷渾凡有其地至唐末衰弱種類分散  
入內屬者謂之熟戶餘為之生戶宋時朝貢不絕其  
首領喃廝羅始居鄯州後從請唐神哲高宗朝皆授  
以官元憲宗始于河州置吐蕃宣慰司都元帥府又  
于四川徼外置各宣撫司世祖時復郡縣其地

本朝洪武六年詔吐蕃各族酋長舉故有官職者至京授職俾因倂為治比歲或間歲赴京朝貢按吐蕃之地北起陝西之河湟迤南歷四川抵雲南西北之境洪武六年立都指揮使司者二烏思臧朶甘也指揮使司者一隴谷衛也七年又置宣慰司者三招討司者六萬戶府者四千戶所者十有七此皆在化外之境歲通朝貢而已自有西僧以來此屬不為邊患遇有寇盜

本朝遣僧諭之尋即解散若夫邊徼之內如陝西之岷州洮州四川之龍州黎州諸處人雜氐羌是皆吐



蕃之種落久已內屬悉听官府約束

西南夷

漢武帝始通滇國置益州郡明帝時哀牢王柳貌率其民五萬方內附以其地置哀牢博南二縣唐玄宗冊南詔為王蠻語謂王曰詔先有六詔莫能相統蒙舍詔最在南至皮邏閣侵疆大乃求合為一朝廷許之徙居大和城宋熙寧間大理遣使貢方物封其首為大理國王元憲宗平大理立為三十七郡世祖自西蕃入大理平雲南遂分三十六路

本朝洪武十七年立為麓川車里二宣慰使司此外

又有孟養木邦緬甸老撾八百大甸宣慰司其與麓  
川車里皆是百夷之種類也按雲南地在漢時已入  
中國謂之西南夷唐末為南詔所據後為蒙段二氏  
所有自為一國宋竟不能有之元世祖始平大理以  
其地內屬

本朝立為藩府命黔國公世守之今雲南楚雄臨安  
大理等府設置如內地而更以元江永昌之外麓川  
車里等處為西南夷亦循漢時自成都而視瀆池也  
大抵雲南之地其南以元江為關以車里為蔽而達  
于八百其西以永昌為關以麓州為蔽而達于木邦

西南通緬甸底于南海東南通寧遠而境平安南西北  
北尽麗江而通乎吐蕃所以制馭之者與南蠻北狄  
不同盖彼去中國遠甚其有叛亂不過梗化虧欠歲  
貢而已不足為中國輕重也

女真

按大明一統志云女直古肅慎之地在混同江之東  
後漢謂之挹婁元魏謂之勿吉隋唐曰黑水靺鞨唐  
初渠長阿固即始來朝後乃臣服開元間以其地為  
燕州置黑水府其後粟末靺鞨疆盛號渤海黑水皆  
役屬之又其後黑水浸弱為契丹所攻黑水復擅其

地即金鼻祖之部落也初號女真後避遼興宗諱改  
曰女直臣屬于遼至阿骨打始大易部建國曰金滅  
遼設都于渤海上京金亡歸元

本朝悉境歸附自間北迤北因其部族所居建  
司一衛一百八十四所二十官其舊法以時

### 朝鮮

大明一統志朝鮮國周為箕子所封

外徼漢初燕人衛滿據其地武帝

浪女薊四郡漢末為公孫度所據

晉永嘉末始為高麗其高麗本

居平壤城即樂浪郡地唐征高麗  
護府五代唐時王建代高氏闢地  
百濟而為一其後朝貢于宋亦胡  
未始易姓至元中西京內屬置東  
二年王顯奏賀

太祖即位賜以金印誥命封高麗

居漢城遣使請改國號詔更國號曰朝鮮後高麗臣  
頗知禮義安分自入

國朝以來恭順 朝廷四時朝貢不廢札節蓋得以  
小事大之禮孟子曰畏天者保其國朝鮮有之

日本

日本在東海之中古稱倭奴國或云

名曰日本以其近日所出也按

祖訓曰日本雖朝貢暗通奸臣

按

祖訓曰四方諸夷皆限山隔海僻在

足以供給得其人不足以使令其不

邊則彼為不祥彼既不為中國患而

不祥也吾恐後世子孫倚中國富

故與兵切記不可但胡戎與西